



Getxo
**PUNTA
BEGOÑA**
Fundazioa

FUNDACIÓN PUNTA BEGOÑA FUNDAZIOA

**JARDUKETA-PLANA
(AURREKONTUAK)
2024. URTEA**

AURKIBIDEA

ZIURTAGIRIA	 3
FUNDAZIOAREN DATUAK	 4
AURREKARIAK	4
FUNDAZIOAREN ERAKETA ETA EZAUGARRIAK	7
XEDEA, IKUSPEGIA ETA BALIOAK	8
HELBURUAK	9
KUDEAKETA-ORGANOAK	10
ILDO NAGUSIAK	 11
GASTUAK	11
DIRU-SARRERAK	12
INBERTSIOAK	13
PERTSONA, ERAKUNDE EDO KOLEKTIBO ONURADUNAK	 14
2024RAKO AURREIKUSITAKO JARDUERA-PLANA.....	 15
JARDUERA-PLANA	15
JARDUERA BAKOITZAREN GARAPENA	15
BALIABIDE EKONOMIKOEN AURREIKUSPENA	18
2024KO AURREKONTUAREN MEMORIA	 20
GASTUAK	20
DIRU-SARRERAK	23
2024RAKO AURREIKUSITAKO EMAITZEN KONTUA	 25
2024RAKO AURREIKUSITAKO EGOERAREN BALANTZEA	 26

IGNACIO JAVIER ETXEBARRIA
ETXEITA JAUNAK, PUNTA BEGOÑA
FUNDAZIOKO IDAZKARIAK,

D. IGNACIO JAVIER ETXEBARRIA
ETXEITA, SECRETARIO DE LA FUN-
DACIÓN PUNTA BEGOÑA,

Z I U R T A T Z E N D U: Punta
Begoña Fundazioaren Patronatuak,
2023ko azaroaren 7ko bileran, erabaki
zuela:

C E R T I F I C A : Que el Patronato
de la Fundación Punta Begoña en su
reunión de fecha 7 de noviembre de
2023 acordó:

**1. PUNTA BEGOÑA
FUNDAZIOAREN 2024
EKITALDIRAKO JARDUKETA
PLANA ETA AURREKONTUA
AZALTZEA ETA ONARTZEA.**

**1. EXPOSICIÓN Y APROBACIÓN
DEL PLAN DE ACTUACIÓN Y DEL
PRESUPUESTO DE LA FUNDACIÓN
PUNTA BEGOÑA PARA EL
EJERCICIO 2024.**

Patronatuak, Ignacio Uriarte, Mikel Bidosola eta Juanma González lehendakariaren aldeko botoekin eta Gonzalo Zorrilla-Lequericaren abstentzioarekin, 2024ko ekitaldirako Punta Begoña Fundazioaren Jarduketa Plana eta Aurrekontua onartu ditu. Aurrekontu horrek diru-sarreraren eta gastuen aurrekontu orekatua jasotzen du, 1.459.841,60 eurokoa, eta udalen finantzaketa 445.060,30 eurokoa da. Inbertsioen zenbatekoa 863.653,36 eurokoa da gastuen aurrekontuan.

El Patronato aprueba con los votos favorables de la Presidenta, Ignacio Uriarte, Mikel Bidosola y Juanma González y la abstención de Gonzalo Zorrilla-Lequerica el Plan de Actuación y Presupuesto de la Fundación Punta Begoña para el ejercicio 2024 que incorpora un presupuesto equilibrado de ingresos y gastos por un importe de 1.459.841,60 euros, en los que la financiación municipal asciende a 445.060,30 euros. Las inversiones suponen en el presupuesto de gastos la cuantía de

863.653,36 euros.

Eta horrela jasota geratzeko eta dagozkion ondorioak izateko, ziurtapen hau egin, eta Fundazioko Lehendakariak ontzat eman ostean sinatu dut, Getxon.

Y para que conste y surta efectos, expido la presente certificación, que visada por la Presidenta de la Fundación, firmo en Getxo.

Ontzat emana/Vto.Bno.

**LEHENDAKARIA/
LA PRESIDENTA**

Amaia Aguirre Muñoa



FUNDAZIOAREN DATUAK

SOZIJETATE-IZENA: FUNDACIÓN PUNTA BEGOÑA
PUNTA BEGOÑA FUNDAZIOA

I.F.K. G 018 297 38

HELBIDEA: Foruak kalea, 1 – 48992 GETXO (BIZKAIA)

ERREGISTRO-DATUAK: Gobernantza Publiko eta Autogobernuko sailburuaren 2020ko abenduaren 29ko Aginduaren bidez inskribatu zen Euskal Autonomia Erkidegoko Fundazioen Erregistroan, **F-463** zenbakiarekin.

JARDUERA: Higiezinaren eraikuntza osoa, konponketa eta kontserbazioa (EJZren epigrafea: 150110)

AURREKARIAK

Punta Begoña Fundazioa sortu da *Getxoko Punta Begoña Galeriak berreskuratzeko eta haien balioa nabarmentzeko proiektua* abian egon den urteetan lortutako jakindurian eta ezagutzan oinarrituta. Bizkaiko udalerrri honetako kostaldean balio ukaezina duen ondare-ondasuna da, eta euskal kostaldeko XX. mende hasierako eraikin berezietakoa.

Hamarkadetan zehar, monumentuari funtzio berri bat emateko ahaleginek ez zuten emaitza onik lortu, eta horrela, mantentze- eta erabilera-faltak eraikuntza hondatu zuten, gordetzen dituen kultura-balioak arriskuan jarri.

Hala ere, eraikinari erabilgarritasuna itzultzeko proposamen horien ondorioz, perspektiba aldatu zen, eztabaidagarriak izan litezkeen irizpideen arabera

eraldaketak sustatzeko arriskuari aurre egiteko ziurrenik. Horregatik, proiektu bat jarri zen abian, non eraikinaren berreskuratze formala ez zen helburu bakarra, baizik eta honako hauek lortzeko baliatu beharreko prozesu bat:

- Monumentua balorizatzea,
- Gizartea bere ondareari buruz sentsibilizatzea,
- Udal-prestigioaren irudia indartzea, ondarea berreskuratze jardunbide egokiaren aldeko konpromisotik sortutako proiektu baten bidez,
- Espazio abandonatu bat kultur leku erreferentziala, bizia eta partekatua bihurtzea,
- Eta, horren ondorioz, jarduera sozioekonomikoa sortzea, iraunkortasun-irizpideetatik abiatuta, toki- eta lurralde-garapena sustatzeko.

Horrekin guztiarekin, 2014ko martxoan, **Esparru-Hitzarmena sinatu zuten Bizkaiko Foru Aldundiak, Euskal Herriko Unibertsitateak eta Getxoko Udalak**, azken erakunde horren jabetzako Begoña lurmuturreko galeriak izeneko higiezinari balioa emateko ildo nagusiak ezartzeko.

2014ko urriaren 13an, Euskal Herriko Unibertsitateak eta Getxoko Udalak lankidetzahitzarmen bat sinatu zuten, 2014-2015 aldian egin beharreko jarduerak, bitarteko pertsonalak eta materialak eta alderdien konpromiso ekonomikoak zehazteko. Hitzarmen hori beste bi aldiz berritu zen lanek aurrera egin ahala. Lankidetzahitzarmen horietako azkenekoan eratu zen Punta Begoña Fundazioa, jarduera horiek eta estatutuetan jasotako beste batzuk garatzeko eta kudeatzeko tresna gisa.

Denbora horretan, *Punta Begoña Galeriak zaharberritzeko eta balioztatze proiektua* Euskadi 2020 Zientzia, Teknologia eta Berrikuntza Planaren barruan **Euskadirentzat enblematikoak diren 50 proiektu eta ekimenetako** bat dela aitortu da, "Gaitasun berriak sortzeagatik etorkizun handiena duten zientzia- eta teknologia-arloetan, ekoizpen-eragileekin sinergia argiak daudenean eta itzulkin ekonomiko eta sozial handiagoak lor daitezkeenean".

2018an, *Espainiako Arkitektura eta Hirigintza Bienalak* Punta Begoñako Zaharberritze Irekia hautatu zuen **Estatuko proiektu arkitektoniko nagusien** artean finalista gisa, "Arkitekturari aplikatutako ikerketagatik eta gizarteari zabaltzeko, erregistratzeko eta transferitzeko ereduagatik, zaharberritze irekiaren prozesu globala osatzen duten euskarri digitalen bidez".

2019an, gizarteari ezagutza transferitzeko unibertsitate-eredu gisa hautatu zuten proiektua Salamancako Unibertsitateko *Zientzia eta Teknologia Ikasketen Unibertsitate Institutuak*, Madrilgo Unibertsitate Konplutentseko *CIT Ikasketen Institutuak* eta Valentziako Unibertsitate Politeknikoko *Ingenio Institutuak*.

2021ean, Punta Begoña Fundazioa abian zela, eta monumentua berreskuratzeko eta balioztatzeko proiektua kudeatzeko ardura zuela, 2021-2022 Hiria birgaitzeko eta

Punta Begoña Galeriak proiektua finalista izan zen Arkitektura eta Hirigintzako XIV. Bienalean, hiriko eta paisaiako kultura arkitektonikoaren aurrerapenari eta ezagutzari egindako ekarpenagatik, prozesua sormenezko eta kalitatezko euskarri baten bidez zabalduz, ibilbide horretan gizarte-balioei lehentasuna emanaz.

berroneratzeko RERU Masterrean sartu zen, ikerketa eta jardunbide egokien kasu gisa, Bilbao Ría 2000 hiri-kudeaketako proiektuarekin batera, "Obretan eta Irekita"

ondare-kudeaketako ereduaren aplikazio paradigmatico eta integralagatik, hiri jasangarria eratzeko motor gisa. Hori guztia Consell eta Valentziako Etxebizitza eta Arkitektura Bioklimatikoko Kontseilaritzaren 2. lehendakariordetzaren Hiria birgaitzeko eta berroneratzeko Estrategiaren esparruan.

Bestalde, 2022an, Fundazioak bere jardueraren garapenean hartutako konpromisoak indartu ziren, eta, horren ondorioz, Punta Begoña Galeriak berreskuratzeko eta balioesteko proiektua **Euskadiko Turismoaren Kode Etikoan sartu zen**, Eusko Jaurlaritzaren balorazioa jarraia jaso ondoren, eta **Foru Aldundiak Bizkaiko baliabide estrategikotzat onartu zuen**.

Ondorioz, 2023an, Punta Begoña Fundazioak egiaztapen-prozesu baten mende jarri zuen bere jarduera, eta prozesu horren emaitza **SGS International Certification Services munduko enpresa liderraren ziurtagiria izan zen, Garapen Iraunkorreko Helburuak benetan lortzen egindako lanagatik**. Punta Begoña, bere Fundazioaren bitartez, horrelako ziurtagiri bat lortu duen kultura-ondarearen lehen proiektuetako bat izan da, bere kudeaketa integrala benetako garapen-motorra izan daitekeela erakutsiz.

Proiektuaren aurrerapenarekin batera, aplikatutako eredu berritzailearen aintzatespen horiek lortzearekin eta haren irekitasuna eta irisgarritasun publikoa sustatuko zituen jarduera soziokulturala sortzearekin batera, hainbat erakunde publikoren konfiantza lortu zen, eta erakunde horien ekarpenak Getxoko Udalak egindako inbertsioaren kostua minimizatzea ahalbidetu zuen. Horrela, bai Bizkaiko Foru Aldundiak (dirulaguntza irekien edo izendunen bidez), bai Eusko Jaurlaritzako Kultura eta Hizkuntza Politika Sailak (euskal kultura-ondarea balioesteko eta hedatzeko dirulaguntzen linearen bidez), bai Espainiako Gobernuak Sustapen Ministerioak -egungo Garraio, Mugikortasun eta Hiri Agenda Ministerioak- (1,5% Kultura Programaren bidez) parte hartzen dute Punta Begoñako Galeriak berreskuratu eta balioesteko egiten diren jardueren finantzaketan.

FUNDAZIOAREN ERAKETA ETA EZAUGARRIAK

2020ko martxoaren 12an, Getxoko Udalak egungo erakunde juridikoa eratu zuen, **Fundación Punta Begoña** izeneko, euskaraz **Punta Begoña Fundazioa** izena duena.

Fundazio horrek nortasun juridiko propioa, independentzia eta gaitasun juridiko eta jarduteko gaitasun osoa ditu, fundatzaileen borondate-adierazpenean, fundazioaren estatutuetan eta, bereziki, Euskal Autonomia Erkidegoko Fundazioei buruzko ekainaren 2ko 9/2016 Legean ezarritakoez gain, beste mugarik gabe.

Fundazioaren zuzkidura 30.000 €-koa izan zen, eta haren ekarpena Euskal Autonomia Erkidegoko Fundazioei buruzko ekainaren 2ko 9/2016 Legearen 12. artikuluaaren bigarren paragrafoaren arabera egin zen, honela:

- Getxoko Udalaren 12.337,85 €-ko diru-sarreraren bidez.
- Gainerako zenbatekoa gehienez ere bost urteko epean ordainduko da, eratze-datatik zenbatzen hasita.

Eratzeko, erakundeak giza baliabideez zein baliabide tekniko eta finantzarioez hornitu zuen, eta hainbat udal-higiezin erabiltzeko eskubidea laga zion, hau da, Punta Begoña Galeriak eta La Galeako Faro Zaharra eta Gotorlekua, biak mugagabeak.

Fundazioak Getxon garatzen du nagusiki bere jarduera, baina Euskal Autonomia Erkidegoan zabal daitekeela aurreikusten du.

Fundazioa Getxoko Udaletik eta beste erakunde batzuetatik jasotzen dituen dirulaguntzen bidez finantzatzen da. Eta proiektu zehatzetarako laguntzen eta dirulaguntzen programen bidez. Horri, bisitarien sarreren salmentatik, erakusketetatik eta bertan ospatzen diren ekitaldietatik ateratzen den dirua gehitu behar zaio. 2023an, sarrera horiei gehitu zitzaizkien eskuratutako ezagutza teknikoa transferitzeko zerbitzuak ematek fundaziotik kanpoko operadoreek beste toki batzuetan garatzen dituzten antzeko proiektuetatik eratorritakoak.

Gainera, etorkizunerako aurreikuspen gisa, finantzaketa hori handitu egingo da honako hauen bidez:

- enpresa lagun eta laguntzaileek eta/edo partikularrek egindako ekarpenak,
- publizitate-gai erakargarriak merkaturatzea,
- beste erakunde edo pertsona fisiko edo juridiko batzuetatik jasotako kudeaketa-eta garapen-mandatuen zerbitzuak ematea.

XEDEA, IKUSPEGIA ETA BALIOAK.

XEDEA

Garapen iraunkorrari, kualitatiboari, ekonomikoari eta sozialari laguntzea, herritar guztien onurarako, ondare-ondasunen defentsa eta kontserbazioa komunitatearen plangintza- eta kudeaketa-prozesuetan integratuz, eta horiek atzeraka doazen eremuak indartzeko, lurraldeen arteko sinergia produktiboak sortzeko eta gizarte-kohesioa eta -berrikuntza sustatzeko gai den baliabidetzat hartuz.

IKUSPEGIA

Erreferentziazko erakunde bihurtzea ondarearen kudeaketa integralean, non esku-hartzea ez baita jada helburua, bitarteko etapa baizik askoz ere prozesu zabalago batean, non **kultura-ondasunak bere biografiaren mugarri garrantzitsu gisa eta garapen ekonomiko eta sozialerako baliabide gisa aitortzen dituen herriaren memoriaren gordailu baitira.**

BALIOAK

- **Kalitatearen eta bikaintasunaren aldeko konpromisoa** abian jarritako jarduera bakoitzean.
- Onuradunei fundazioaren helburuen araberako **zerbitzua emateko espiritua**, interes horiek lehenetsiz norberaren edo partikularren interesen aurretik.
- **Ezagutza transferitzea** lurraldeak bultzatzeko eta garatzeko, egindako inbertsio publikoaren itzulkin sozial eta ekonomikoa sortuz.
- **Jokabide-kodeetan eta jardunbide egokietan** oinarritutako jarduera sustatzea.
- **Publizitatea eta gardentasuna** helburuetan eta jardueretan.
- **Inpartzialtasuna eta diskriminaziorik eza** onuradunak zehaztean eta jarduerak eta prestazioak garatzean.
- **Genero-berdintasuna** sustatzea.

- Fundazioaren ondarea eta errentak fundazioaren helburuetara bideratzeko betebeharra benetan bete dadin defendatzea eta babestea, fundazioaren estatutuetan eta indarrean dagoen araudian aurreikusitakoaren arabera.
- **Lankidetz**a leial eta iraunkorra Euskal Autonomia Erkidegoko Fundazioen Babeslaritzarekin.

HELBURUAK

Horrela, eta estatutuetako hirugarren artikuluan jasotakoaren arabera, Punta Begoña Fundazioak bere helburutzat hartzen ditu honako hauek:

- 1| **Getxoko udalerrriaren ondare eta aberastasun historiko-artistikoa aztertzea eta ikertzea**, Punta Begoña osoari arreta berezia eskainiz.
- 2| **Getxoko udalerrriaren ondare historiko-artistikoa** osatzen duten ondasun bereziak **zaintzeko, kontserbatzeko, mantentzeko, birgaitzeko eta zaharberritzeko eta balioa nabarmentzeko** jarduketa zehatzak egin behar dira, batez ere multzo osokoak, Punta Begoña osoari arreta berezia jarrita.
- 3| **Punta Begoñaren multzoa duen potentziala identifikatzeko jarduera jasangarrien** garapena sustatzea.
- 4| **Herritarren harrotasuna kontzientziazten eta sustatzen** laguntzea, Punta Begoñaren balio historiko-artistikoari eta **Getxoko udalerrriaren kultura-ondareari** dagokienez, oro har.
- 5| **Ondarea kudeatzeko eredu bat egituratzea, udalerrriaren aintzatespen-eta nortasun-elementu bihurtuko dena, eta haren aplikazioa kanpoko proiektuetara transferitzea ahalbidetuko duena, egindako inbertsio publikoaren itzulkin sozial eta ekonomikoa sortuz.**

KUDEAKETA-ORGANO

Patronatua fundazioaren gobernu- eta ordezkaritza-organo gorenena da, eta fundazioaren helburuak betetzeko beharrezkoak diren ahalmen guztiak ditu. Egun, honako hauek osatzen dute Patronatua:

Lehendakaria: Amaia Agirre Muñoa andrea, Getxoko Udaleko alkatea.

Patronatukideak: Ignacio Uriarte Gorostiaga jauna, EAJ-PNV udal talde politikoaren izenean.

Gonzalo Zorrilla-Lequerica Pañeda jauna, PARTIDO POPULAR udal talde politikokoa.

Mikel Bildosola Agirregomezkorta jauna, EH BILDU udal talde politikokoa.

Juanma González Mosquera jauna, TALDE SOZIALISTA udal talde politikoaren izenean.

Xabier Benito Ziluaga jauna, ELKARREKIN udal talde politikokoa.

Bestalde, Punta Begoña Fundazioaren diruzaintzaren ardura Cristina Bilbao Salterain andrearena da, Getxoko Udaleko diruzainarena. Idazkaria Ignacio Javier Etxebarria Etxeita jauna da, Getxoko Udaleko idazkaria.

Fundazioaren ohiko kudeaketa María Peraita Tajadura zuzendari andreari dagokio.

ILDO NAGUSIAK

Jarduera-plan hau 2021ean, 2022an eta, batez ere, 2023an lortutako esperientzia oinarri hartuta egin da. Batez ere Punta Begoña Fundazioaren jardueren potentzialtasunari dagokionez

Aldi horretan erdietsitako mugarriak ikusita, Punta Begoña Fundazioak garapen sozial eta ekonomiko iraunkorra sortzeko duen gaitasunaren ebidentziatzat hartuta, baina, batez ere, bere jardueraren bidez itzulera horiek areagotzeko irekitzen diren aukerak ikusita, Jarduera-plan bat planteatzen da, honako premisa hauetatik abiatuta:

- Punta Begoña Fundazioa pixkanaka sendotzea, ondare historiko kulturalaren arloko erreferentziazko erakunde sendo gisa, bere estatutu-helburuak lortzera bideratutako jarduera gero eta ugariagoen bidez;
- Bere jardueraren garapenean aurrera egitea, Punta Begoña Fundazioak 2030 Hiri Agendan (zehazki, ODS4) ezarritako Garapen Iraunkorreko Helburuak lortzen egindako ekarpenari buruzko kanpo-ziurtagiria lortzeko esparruan identifikatutako adierazleen arabera. Zehazki ODS4, Kalitatezko hezkuntza, ODS5. Genero-berdintasuna, ODS7. Energia eskuragarria eta ez-kutsatzailea, ODS9. Industria, berrikuntza eta azpiegitura, ODS11. Hiri eta komunitate iraunkorrak, ODS16. Bakea, justizia eta erakunde sendoak;
- Punta Begoñako Galerien monumentua berreskuratzeko eta balioa emateko proiektuarekin jarraitzea, plangintzaren arabera ondorengo esku-hartzeko faseak garatuz ondare-lekuaren irekiera soziala areagotuz, horrela sorkuntza-, berrikuntza-, erakusketa- eta prestakuntza-eremu kolektibo bat gauzatu ahal izateko.
- Punta Begoña Fundazioaren jarduerak garatzeko behar den udal-inbertsioa minimizatzea, beste erakunde publiko edo pribatu batzuk proiektuan inplikaturik, bai eta sinatu ahal diren balizko hitzaremnak, laguntzak, dirulaguntzak eta ekarpenak egoki gauzatu.

Horren arabera, 2024a finkatzeko urtea izango da, eta Punta Begoña Fundazioak jarduera indartu behar du. Helburu hori ezinezkoa izango da fundazioari finantzatzeko behar duen ahalmen ekonomikoa eman ezik.

Aurrekontua finantza-orekaren printzipioei jarraituz egin da, eta, finantza- eta ekonomia-arloei dagokienez, adierazten du urtean zehar egitea aurreikusitako ekintzen multzoa.

Aurreikusitako baliabide ekonomikoak eta giza-baliabideak jasotzen ditu, bai eta burutuko den jarduera-programa garatzeko erabili beharrekoak ere, bai eta lortu nahi den bisitari edo erabiltzaile kopurua eta sortu nahi den jarduera ere.

GASTUAK

Gastuak kuantifikatzeko, honako hauek hartu dira kontuan: fundazioko langileengandik datozenak; fundazioaren finantza- eta administrazio-kudeaketa egokirako beharrezkoak direnak; fundazioak lagatako erabilera duen ondarea mantentzeko eta kontserbatzeko gastuak, bai eta irekitzeko eta erabilera publikorako beharrezkoak direnak ere; aipatutako ondarearen funtzionamendu egokirako eta zerbitzurako oinarritzko hornidura-gastuak; jarduera-arloetako giza baliabideen beharrianak estaltzeko enpresa pribatuekin egindako kontratuetatik eratorritakoak; eta ondare historikoa ezagutzera emateko eta balioan jartzeko martxan jarritako proiektuak garatzeko ere.

Era berean, fundazioaren estatutuetako helburuei erantzuteko planifikatutako jardueren kostuen zenbatespena egin da, zehazki, Getxoko kultura-ondarearen zabalkundea eta gizarteratzea eta Punta Begoña galeriak berreskuratzea. Horrela hartu da kontuan: Punta Begoña Galerietara bisita gidatuak egiteko programa, Getxoko ondarearen balioak sustatzeko kultur jarduerak (hitzaldiak, erakusketak, jardunaldi zientifikoak, teknikoak eta/edo artistikoak, etab.) Punta Begoña Galeriak eraiki eta erabili izanaren mendeurrena dela eta, eta aipatu ondarearen balioak eta Punta Begoña Fundazioak egindako jarduera hobeto ezagutzeko zabalkunde-ekintza zehatzak.

DIRU-SARRERAK

Diru-sarreraren aurreikuspena egiteko, finantziazioa hainbat bidetatik erakartzea hartu da kontuan: erakunde sortzailetik kanpoko dirulaguntzetatik (hainbat laguntza-programatarako proiektuak eta hautagaitzak eginez edo lor daitezkeen dirulaguntza izendunen bidez), eragile publiko eta/edo pribatuekiko laguntzeko edo zerbitzuak emateko hitzarmenetatik, eta monumentuen erabilerarako eta sozializatorako ekintzetan bildutako sarreretatik.

Bestalde, esan gabe doa diru-sarreraren aurreikuspen horretan erabakigarria dela erakunde sortzaileak emandako laguntza eta Punta Begoña Fundazioaren jarduera diruz laguntzeko konpromisoa, abian jartzeko behar den guztian.

Azkenik, eta urtean zehar, jardueren ondoriozko diru-sarrerak handitzea eta finantzaketa-iturri publiko eta pribatu berriak erakartzea helburu duten neurriak hartuko dira.

INBERTSIOAK

Aurrekontuak jasotzen dituen inbertsioak bideragarritasun ekonomikoaren arabera zehaztu dira, eta, horretarako, kontuan hartu da Getxoko Udaletik kanpoko erakundeek edo entitateek eman ditzaketen dirulaguntzen aurreikuspena, erakunde horrek emandakoaz gain.

PERTSONA, ERAKUNDE EDO KOLEKTIBO ONURADUNAK

UNESCOK¹ aitortzen duenez, ondareak izaera kolektiboa du berez, gizarte garaikideen kapital kulturala baita. Nazioartean erreferentzia den erakunde horrek jasotzen duenez, kultura-ondareak kulturen eta nortasunen etengabeko balioa handitzen laguntzen du, eta, horrez gain, belaunaldien artean esperientziak, gaitasunak eta ezagutzak transmititzeko bide garrantzitsua da. Gainera, sormenerako eta berrikuntzarako inspirazio-iturri da, eta, aldi berean, kultura-aniztasuna eskuratzea eta gozatzea sustatzen du. Horri kapital soziala aberasteko duen potentziala gehitzen zaio, norbanakoaren eta taldearen parte izatearen zentzua eratuz, zeinak gizarte- eta lurralde-kohesioari eusten laguntzen dion. Horri gehitu behar zaio duen garrantzi ekonomikoa, bereziki sektore turistikoarentzat, hura kontserbatzeko erronka berriak sortzekotan.

Punta Begoña Fundazioak kultura-ondarea garatzea du helburu Getxokoa eta, oro har, EAEkoa, eta, horregatik, bere xedea lortzekotan garatzen dituen jarduerak Getxoko udalerriko eta EAEko herritar guztien onerako izango dira, bai eta ondare historiko-artistikoa kontserbatzea eta ondare horren kudeaketa bere funtzio sozialaren irizpidearen arabera garatzea lehentasunezko zat jotzen duten pertsona guztien onerako ere.

¹ UNESCO. Hezkuntza, Zientzia eta Kulturarako Nazio Batuen Erakundea.

2024RAKO AURREIKUSITAKO JARDUERA-PLANA

Dokumentu honetan, Punta Begoña Fundazioak 2024an egitea aurreikusten diren jarduera nagusien laburpena jasotzen da:

- 1| GETXOKO ONDAREAREN AZTERKETAK
- 2| GETXOKO ONDAREA KONTSERBATZEA
- 3| KULTUR EKINTZA
- 4| PROIEKTUAK GARATZEKO BULEGOA
- 5| ZERBITZU KOMUNAK

JARDUERA BAKOITZAREN GARAPENA

1| GETXOKO ONDAREAREN AZTERKETAK

Besteak beste, barne hartzen ditu Getxoko kultura-ondarearen balioak sakon ezagutzeko azterlanak (EAEko gainerako lurraldeetara hedatuta), baita balio kolektibo handiko baliabide gisa aintzatesteko herritarrak sozializatzeko eta sentsibilizatzeko ekintzak ere.

Jarduerak:

- a. **Hitzaldiak, ikastaroak, jardunaldiak edo beste edozein prestakuntza-jarduera** antolatzea, Getxoko ondare historiko-artistikoa ezagutu eta zabaltzeko, arreta berezia jarriz Punta Begoñari.

[3 eta 4 xedeak]

- b. EAEko kultura-ondarearekin lotutako **ikerketak eta prestakuntza-jarduerak** egitea.

[1, 3 eta 4 xedeak]

2| GETXOKO ONDAREA KONTSERBATZEA

Getxoko ondarea zaharberritzera, sendotzera eta birgaitzera bideratutako azterlanak hartzen ditu kontuan, baita jarraitutako prozesua sozializatzeko ekintzak ere,

ondarea eskuhartzeko eta berreskuratzeko eredu gisa izaera irekia, integrala eta eredugarria har dezan.

Jarduerak:

- a. **Jarduketa- eta kudeaketa-gidalerroak onartzea eta garatzea**, bai Punta Begoña osorako, bai Getxoko udalerriko beste **ondare-elementu batzuetarako**, esku hartzeko tresna zehatzen bidez (plan zuzentzaileak edo maisu-planak), ikerketa-, esku-hartze- eta kudeaketa-ildo nagusiak ezartzeko.

[1, 2, 3, 4 eta 5 xedeak]

- b. Ondare historiko-artistikoa birgaitzeko, kontserbatzeko eta zaharberritzeko tekniken **azterketa- eta ikerketa-politikak garatzea**, Fundazioaren baitan ezagutza-altxor bat metatzeko, Fundaziotik kanpoko operadoreek beste leku batzuetan garatzen dituzten antzeko proiektuetara estrapolatu ahal izateko.

[1, 2 eta 5 xedeak]

- c. **Getxoko udalerriko ondare eta aberastasun historiko-artistikoaren aldeko jarduerak sustatzeko balio duten jarduerak** bultzatzea, arreta berezia jarriz Punta Begoña osoari.

[1, 2 eta 3 xedeak]

3 | KULTUR EKINTZA

Bere ondare-balioen arabera, lekuaren dinamizazio soziokulturalera bideratutako proiektuaren esparruan garatutako jarduera oro hartzen du.

Jarduerak:

- a. Bultzatzea Punta Begoñako **ondare historiko artistikoaren erakusketa eta zabalkundea** sustatzeko **jarduerak**, gizartean, oro har, eta Getxoko eta eskualdeko herritarren artean, bereziki, baita haren gozamenerako sarbide unibertsala ere.

[3 eta 4 xedeak]

4 | PROIEKTUAK GARATZEKO BULEGOA

Kontuan hartzen ditu proiektuen kontzeptualizazioa eta diseinua, eskuratutako ezagutza transferitzera, kultura-ondarearen eremuan esku hartzeko eta kudeatzeko eredu aplikatzera eta Fundazioaren funtzionamendurako funtsak erakartzera bideratutako proiektuak.

Jarduerak:

- a. EAEko kultura-ondarearen eremuan beste erakunde edo pertsona fisiko edo juridiko batzuetatik jasotako **kudeaketa- eta garapen-jarduerak, -enkarguak edo -gomendioak.**

[4 eta 5 xedeak]

- b. **Patronatuak onartzen dituen programak zuzenean edo zeharka kudeatzea**, EAEko kultura-ondarearen eremuan.

[4 eta 5 xedeak]

5 | ZERBITZU KOMUNAK

Fundazioak behar bezala funtzionatzeko beharrezkoak diren gainerako jarduerak hartzen ditu kontuan, besteak beste, Fundazioaren jardura administratu, komunikatu eta zabaltzeko lanak.

Jarduerak:

- a. Punta Begoñako **kudeaketa-sistema orokorra finkatzea**, fundazioak kostu-, likidezia-, egonkortasun- eta segurtasun-baldintza onenetan jardun dezan.

[1, 2, 3, 4 eta 5 xedeak]

- b. Kontabilitate-, zerga-, lan- eta lege-arloetako prozedura operatiboak eta administratiboak etengabe berrikustea eta gainbegiratzea, eta **kudeaketa eraginkorragoa lortzeko prozedura berriak abian jartzea.**

[1, 2, 3, 4 eta 5 xedeak]

- c. 2023an eta hurrengo urteetan programa operatibo guztiak garatzeko **funtsak eta baliabideak biltzea eta kudeatzea.**

[1, 2, 3, 4 eta 5 xedeak]

- d. **Komunikazio-jarduerak zabaltzea**, Punta Begoña Fundazioaren ikusgarritasuna eta aitoren soziala hobetzeko, bai tokikoa, bai nazioartekoa.

[1, 2, 3, 4 eta 5 xedeak]

- e. **Fundazioaren jardueren etengabeko jarraipena egitea** patronatukideekin, eta urteko helburuak lortu diren baloratzea.

[1, 2, 3, 4 eta 5 xedeak]

- f. Fundazioaren martxa eta errendimendu hobean eragiten duten eta gizarte osoan inpaktua areagotzen duten **beste jarduera batzuk**, pertsoneri edo taldeari dagokienez.

[1, 2, 3, 4 eta 5 xedeak]

BALIABIDE EKONOMIKOEN AURREIKUSPENA

ERAKUNDEAK LORTU BEHARREKO DIRU-SARREREN AURREIKUSPENA

2024ko Jarduketa Plana garatzeko aurreikusitako diru-sarrerak taula honetan laburbiltzen dira:

DIRU-SARRERAK

	1. jarduera	2. jarduera	3. jarduera	4. jarduera	5. jarduera	GUZTIZKOA
--	-------------	-------------	-------------	-------------	-------------	-----------

1 PATRONATUKIDEEN EKARPENA FUNDAZIOARI						445.060,53
1.1 Getxoko Udala	51.060,68	168.882,47	55.182,36	13.654,20	156.280,82	445.060,53
2 DIRULAGUNTZAK						941.361,07
2.1 Eusko Jaurjaritza	44.833,53	106.157,85	9.333,18	-	-	160.324,56
2.2 Garraio, Mugikortasun eta Hiri Agenda Ministerioa	-	769.036,51	-	-	-	769.036,51
2.3 Bizkaiko Foru Aldundia eta beste erakunde publiko eta/edo pribatu batzuk.	12.000,00	-	-	-	-	12.000,00
3 LANKIDETZA-HITZARMENAK ETA BABESLETZAK						50.000,00
3.1 Erakunde pribatuak	-	-	-	-	50.000,00	50.000,00
4 LANKIDETZA-HITZARMENAK ETA BABESAK						14.500,00
4.1 Erakunde babesleak eta/edo laguntzaileak	-	-	-	14.500,00	-	14.500,00
5 BESTELAKO JARDUERA EKONOMIKOAK						8.920,00
5.1 Sarrerak eta/edo beste jarduera ekonomiko batzuk kobratzea	8.920,00	-	-	-	-	8.920,00
LORTU BEHARREKO BALIABIDE GUZTIEN AURREIKUSPENA	107.894,21	1.044.076,83	73.435,54	28.154,20	206.280,82	1.459.841,60

- 1. jarduera: GETXOKO ONDAREAREN AZTERKETAK
- 2. jarduera: GETXOKO ONDAREA KONTSERBATZEA
- 3. jarduera: KULTUR EKINTZA
- 4. jarduera: PROIEKTUAK GARATZEKO BULEGOA
- 5. jarduera: ZERBITZU KOMUNAK

ERAKUNDEAK ERABILI BEHARREKO BALIABIDE EKONOMIKOEN AURREIKUSPENA

GASTUAK

	1. jarduera	2. jarduera	3. jarduera	4. jarduera	5. jarduera	GUZTIRA
1 KAPITAL-AURREKONTUA						863.653,36
1.1 INBERTSIOAK	-	863.653,36	-	-	-	863.653,36
Lanak	-	769.036,51	-	-	-	769.036,51
Proiektuak idaztea	-	94.616,85	-	-	-	94.616,85
Ikerketa eta garapena	-	-	-	-	-	-
2 USTIAPEN-AURREKONTUA						596.188,24
2.1 ZUZKIDURAK	15.070,46	32.539,25	9.521,94	28.154,20	66.116,72	151.402,57
Langileak	15.070,46	32.539,25	9.521,94	28.154,20	65.418,72	150.704,57
Finantzarioak	-	-	-	-	698,00	698,00
Zergak	-	-	-	-	-	-
2.2 KANPO ZERBITZUAK	92.823,75	147.884,22	63.913,60	-	140.164,10	444.785,67
Konponketak eta kontserbazioa	-	75.789,52	-	-	-	75.789,52
Profesional independenteen zerbitzuak	92.823,75	65.424,70	63.913,60	-	89.375,10	311.537,15
Garraioak	-	-	-	-	363,00	363,00
Aseguru-primak	-	860,00	-	-	-	860,00
Publizitatea, propaganda eta harreman publikoak	-	-	-	-	25.894,00	25.894,00
Hornidurak	-	3.120,00	-	-	-	3.120,00
Beste zerbitzu batzuk	-	2.690,00	-	-	24.532,00	27.222,00
GASTUEN AURREIKUSPENA GUZTIRA	107.894,21	1.044.076,83	73.435,54	28.154,20	206.280,82	1.459.841,60

2024KO AURREKONTUAREN MEMORIA

GASTUAK

GASTUAK. FUNTZIONAMENDU-ERAGIKETAK

ZUZKIDURAK | 151.402,57 €

Hona hemen ekitaldirako aurrekontuan sartutako gastuak:

- **Langileak:** sozietatearen zuzendari-ahaldunarena eta lanaldi osoko administrari laguntzaile bati dagokion kostua, hau da, urtean 105.719,50 euroko soldata, Gizarte Segurantzaren 38.641,90 euroko eta 6.343,17 euroko ekarpena pentsio-sistema osagarrietarako.
- **Finantzarioak:** banku-gastu txikien kostua, guztira 698,00 eurokoa.
- **Zergak:** ez da aurreikusten kontzeptu horrengatik kosturik 2024ko ekitaldian.

KANPO ZERBITZUAK | 444.785,67 €

- **Konponketak eta kontserbazioa:** ekitaldiko gastu normalen artean sartzen dira Begoña lurmuturreko galeriak monumentuaren garbiketa orokorra eta landare-mantentzea (43.967,72 euro). Gainera, 28.917,80 euroko higiene-, irisgarritasun-, segurtasun- eta suteen aurkako babes-instalazioen mantentze-lanak – mantentze-gastu txikiak barne - aurreikusten dira, bai eta monumentua zaharberritzean berreskuratutako zeramika- eta marmomaterialen kontserbazioa eta biltegitratzea ere, 2.904,00 euroan.
- **Profesional independenteen zerbitzuak:** kontzeptu horrengatik aurrekontuan 52.675,10 euro sartu dira Punta Begoña Fundazioari lotutako zerbitzu juridikoengatik, teknikoengatik, fiskalengatik, lanekoengatik, kontabilitatekoengatik eta auditoretzagatik, gehi 400,00 euro gehiago erregistro-gastuengatik.

Era berean, Getxoko ondarea berreskuratzeko prozesuekin lotutako laguntza teknikorako (arkitektonikoa, geoteknikoa, zaharberritzailea, ondarezkoa eta iraunkortasun sozioekonomikorako) gastuak hartzen ditu, 75.625,00 euro.

Punta Begoña galeriak gizarteratzeko kudeaketa logistikotik eta zerbitzuen garapenetik eratorritako gastuak ere sartzen ditu, bisita- eta musealizazio-ekintzen bidez, aurreikusitako esku-hartzeen aprobetxamendua eta

zabalkundea dela eta, eta prozesuaren gardentasunaren alde, 120.522,05 euroko zenbatekoan.

Horri gehitu behar zaio Getxoko ondarearen balioak sustatzeko eta zabaltzeko ekintzak garatzearen ondorioz sortzen den gastuen aurreikuspena, 59.774,00 euro.

Azkenik, gastu horien barruan sartzen dira Punta Begoña Fundazioaren jarduerari lotutako zaharberritze-, gizarte-, kultura- edo bestelako ekintzen argazkiak egiteari dagozkionak, 2.541,00 euroko zenbatekoan.

- **Garraioak:** mezularitzako bidalketa txikiak eta bestelako garraioak; guztira, 363,00 euro.
- **Aseguru-primak:** Punta Begoña Fundazioak kontratatutako 860,00 euroko hainbat aseguri dagokie.
- **Publizitatea, propaganda eta harreman publikoak:** Punta Begoña Fundazioak ekitaldi honetarako aurreikusitako jardueraren publizitateagatik, propagandagatik eta zabalkundeagatik aurrekontuan jasotako gastuak 25.894,00 eurokoak dira.
- **Hornidurak:** kontzeptu horrekin pareka daitezkeen kostuak 3.120,00 eurokoak dira, monumentuko elektrizitate- eta ur- hornidurarako.
- **Beste zerbitzu batzuk:** Punta Begoña Fundazioaren ordezkariak garatzeko bidaia- eta dieta-gastuei dagozkien gastuak, 3.509,00 euro.

Horrez gain, bulegoko materialaren eta inprimakien 2.000,00 euroko gastuak sartzen dira,. Punta Begoña Fundazioaren komunikazioetatik eratorritako gastuak, hala nola telefonoaren kontsumoa eta Internetarako sarbidea, web orriak eta espazio digitalak eguneratzea eta mantentzea, hostingak berritzea eta biltegiak birtuala eta xede horietarako itzulpen puntualak, 19.023,00 euro.

Azkenik, hainbat gasturi dagozkien 2.690,00 euro.

GASTUAK. FUNTSEN ERAGIKETAK

INBERTSIOAK | 863.653,36 €

2024ko ekitaldian diruzaintzaren kontura inbertsioak egitea aurreikusi da.

Kontzeptu horretan bi gastu mota sartzen dira: batetik, Punta Begoña galerien egitura berreskuratzeko eta indartzeko obretatik eratorritakoak (antzezpen-aretoaren inguruan), 769.036,51 euro – kontzeptu horrek ez ditu barne hartzen

obraren zuzendaritza exekutiboa eta segurtasun- eta osasun-koordinazioa -, eta, bestetik, Getxoko ondarea berreskuratzeko, kontserbatzeko eta balioesteko proiektuak idazteari dagozkionak – 94.616,85 euro –.

Hemen aipatzen diren obren helburu nagusia da Punta Begoña galerien irudikapen-aretoaren goiko eta beheko forjatuen eta euskarrien egitura berreskuratzea eta sendotzea, bai eta jatorrizko sarrera monumentala osatzen zuen multzoarena ere (eskailera, lehorreratzeak eta atondoa), gero eta erabilera soziokultural handiagoa izan dezan bere goiko begiratokiak bezala. Hau dena, ondoren egin nahi den espazioaren egokitzapenaren aurreko pausu moduan ulertu behar da. Espazioaren egokitzapen honek ondare-erabilerarako aukerarik handiena eskaintzen duen gunerik adierazgarrienaren birgaitzera eraman behar gaitu.

Bestalde, Getxoko ondarea berreskuratzeko, kontserbatzeko eta balioesteko proiektuen helburu nagusia ordezkari-aretoa eta haren ingurune hurbila erabiltzea da, epe laburrean aretoa erabat antolatzeko asmoarekin eta herritarrek eta hainbat erakunde eta entitatek gero eta gehiago eskatzen duten jarduera soziokulturei harrera egiteko; hau da, espazioaren erabilera integrala ahalbidetzeko.

INBERTSIOAK	Importe
Begoña lurmuturreko galerien egitura partziala sendotzeko eta egonkortzeko obra-lanak.	769.036,51 €
Getxoko ondarea berreskuratzeko, kontserbatzeko eta balioesteko proiektu teknikoak egitea.	94.616,85 €
Inbertsioen eranskina, guztira	863.653,36 €

GASTUEN AURREKONTUAREN LABURPENA

Gastuen koadroaren laburpena, lehen azaldutako partiden arabera, honako hau da:

FUNTZIONAMENDU-GASTUAK, GUZTIRA	596.188,24 €
FUNTS-ERAGIKETEN GASTUAK, GUZTIRA	863.653,36 €
AURREKONTU-GASTUAK, GUZTIRA	1.459.841,60 €

DIRU-SARRERAK

FUNTZIONAMENDUKO DIRU-SARRERAK

PATRONATUKIDEEN EKARPENA FUNDAZIOARI | 445.060,54 €

Getxoko Udalak Punta Begoña Fundazioari 445.060,54 euroko ekarpena egin dio, bere jarduera garatzeko.

DIRULAGUNTZAK | 941.361,07 €

EAEko kultura-ondarearen arloko programa zehatzak zuzenean edo zeharka kudeatzeko bazkide sortzaileek egiten dituzten ekarpenak sartzen dira hemen eta horiekin batera aurreikusitako dirulaguntza publiko eta pribatua. Azken hauen artean, Eusko Jaurlaritzak 2022-2024 aldirako euskal kultura-ondarea hedatzeko eta balioesteko programaren esparruan emandako dirulaguntza, 80.227,71 euro 2024ko ekitaldirako.

Garraio, Mugikortasun eta Hiri-Agenda Ministerioari kultura-ondarea berreskuratzeko %2 Kulturala Programaren esparruan aurreikusten diren ekarpenak (769.036,51 euro) edo Eusko Jaurlaritzari 2024-2026 aldiran euskal kultura-ondarea hedatzeko eta balioesteko programaren esparruan eskatutako dirulaguntzaren ondorioz izan ditzakegun sarrerak, 80.096,85 euro.

Era berean, kontzeptu horretan sartzen dira Bizkaiko Foru Aldundiak eta beste erakunde publiko eta pribatu batzuek Punta Begoña Galerien monumentua gizarteratzeko, musealizatzeko eta digitalizatzeko egin ditzaketan ekarpenak, 12.000,00 euroko.

LANKIDETZA HITZARMENAK ETA BABESLETZAK | 50.000,00 €

Partida honetan sartzen dira Punta Begoña Fundazioaren jardueraren babesak formalizatzeko erakunde pribatuekin lankidetzak-hitzarmenak edo harremanak formalizatzearen ondorioz aurreikusitako diru-sarrerak. Zenbatekoa 50.000,00 eurokoa izango da 2024ko ekitaldirako.

ZERBITZUAK EMATEA | 14.500,00 €

Partida honetan sartzen dira, 2024ko ekitaldian, fundazioaren helburuak lortzen laguntzeko EAEko kultura-ondarearen eremuan beste erakunde edo pertsona fisiko edo juridiko batzuei zerbitzuak emateagatik lortutako diru-sarrerak, 14.500 euroko zenbatekoarekin.

BESTELAKO JARDUERA EKONOMIKOAK | 8.920,00 €

Hor sartzen dira fundazioaren helburuekin edo helburu osagarri edo osagarriekin lotutako beste jarduera ekonomiko batzuen garapenagatiko diru-sarrerak, horien artean, Punta Begoña Galerien sozializazioaren esparruan garatutako bisita edo tailerrengatik sarrerak kobratzea, 8.920,00 euro.

DIRU-SARREREN AURREKONTUAREN LABURPENA

Diru-sarreraren koadroaren laburpena, lehen azaldutako partiden arabera, honako hau da:

AURREKONTU-SARRERAK, GUZTIRA 1.459.841,60 €

AURREKONTUAREN EGOERA

Ondorioz, 1.459.841,60 euros euroko sarrerekin eta zenbateko bereko ustiapen-gastuekin, 2024 ekitaldirako aurreikusitako ustiapen-emaizta baliogabea da.

2024RAKO AURREIKUSITAKO EMAITZEN KONTUA

Jarraian, 2024rako emaitzen kontuaren aurreikuspena aurkezten da.

2024ko EKITALDIRAKO AURREIKUSITAKO EMAITZEN KONTUA (eurotan adierazita)

	2024	2023
1 Negozio-zifraren zenbateko garbia	23.420	23.420
6 Langile-gastuak	-150.705	-115.097
7 Ustiapeneko beste gastu batzuk	-444.786	-319.890
8 Ibilgetuaren amortizazioa	0	0
9 Ibilgetu ez-finantzarioko dirulaguntzen eta bestelakoen egozpena	572.768	412.227
11 Ibilgetua besterentzeagatik hondamena eta emaitza	0	0
A) USTIAPENAREN EMAITZA (1+2+3+4+5+6+7+8+9+10+11)	698	660
12 Finantza-sarrerak	0	0
13 Finantza-gastuak	-698	-660
B) FINANTZA-EMAITZA (12+13+14+15+16)	-698	-660
C) ZERGEN AURREKO EMAITZAK (A+B)	0	0
17 Mozkinen gaineko zergak	0	0
D) EKITALDIKO EMAITZA (C+17)	0	0

2024RAKO AURREIKUSITAKO EGOERAREN BALANTZEA

Jarraian, 2024rako aurreikusitako egoeraren balantzea aurkezten da.

AKTIBO	2024	2023
A AKTIBO EZ-KORRENTEA	1.147.150	283.497
II. Ibilgetu ez-materiala	1.147.150	283.497
V. Epe luzeko inbertsio finantzarioak	0	0
VI. Zerga geroratuen aktiboak	0	0

ONDARE GARBIA ETA PASIBOA	2024	2023
A ONDARE GARBIA	1.177.125	313.472
A-1 Funts propioak	29.975	29.975
I. Fundazioaren zuzkidura	30.000	30.000
II. Galdatu gabeko ordainketengatiko sortzaileak	-17.662	-17.662
III. Erreserbak	0	0
IV. Aurreko ekitaldietako emaitzak	-25	-25
VII. Ekitaldiaren emaitza	0	0
A-3 Jasotako dirulaguntzak, dohaintzak eta legatuak	1.147.150	283.497

B PASIBO EZ-ARRUNTA	0	0
II. Epe luzeko bestelako zorrak	0	0
IV. Zerga geroratuen pasiboak	0	0

B ACTIBO ARRUNTA	46.975	44.975
III. Zordun komertzialak eta kobratu beharreko beste kontu batzuk	0	0
3. Beste zordun batzuk	0	0
VII. Eskudirua eta bestelako aktibo likido baliokideak	46.975	44.975

C PASIBO ARRUNTA	17.000	15.000
V. Hartzekodun komertzialak eta ordaindu beharreko beste kontu batzuk	17.000	15.000
1. Hornitzaileak	7.000	6.000
2. Bestelako hartzekodunak	10.000	9.000

AKTIBO GUZTIRA (A+B)	1.194.125	328.472
-----------------------------	------------------	----------------

ONDARE GARBIA ETA PASIBO GUZTIRA (A+B+C)	1.194.125	328.472
---	------------------	----------------



Fundación Punta Begoña Fundazioa
Foruak, 1
48992 | Getxo | Bizkaia



T. 944 660 040



info@puntabegonagetxo.eus
www.puntabegonagetxo.eus